

AKAARAP ED SARAY

KATUAAN

NIPAAKAR ED JESUS

AKAARAP ED SARAY KATUAAN NIPAAKAR ED JESUS

Say sankabalgan ya katuaan ed saray awaran odino historia ed si Jesus a Nazareno ayaten to so panangimano tayo ed panamegley na kaabigay bangat to tan say pakayari'y moralidad na inpanbilay to.

Balet anto so sikato? No onkerew tayo na dilin ebat to ed sayan tepet sikatayo so ompatnag ya makaarap ed sakey ya subok.

Sikato inkuan to a Sikato:

so silew na mundo:	<i>Juan 8:12</i>
iter to'y bilay to a panondon ed amayamay	<i>Mateo 20:28</i>
ed kayari taloran agew onoli lanlamang	<i>Marcos 8:31</i>
et walay pakayari a mamaoli arum ed kaunoran ya agew	<i>Juan 6:40</i>
so Cristo ya Anak na Dios	<i>Mateo 16:16-17</i>
so mangokom tan manomang ed too	<i>Mateo 16:27</i>
no ompawil dia ed dalin ed gloria to et Ari	<i>Mateo 16:28</i>

Sarayan salita so aliwan salita na sakey labat ya moralista o manangman na saray kiwas na socialidad, o sakey ya apalaboan a mananambal. Say panpilian nasalita ed kaepelan: no tua kasi so saray inkuan to nipaakar ed sikato, odino sikato et sakey ya walaay makapasinagem a pananisia ed tila. Anggaman ontan, anton matilan religioson too so makapangiter na bangat o makapangipatnag na ugali ya gagalangey amin ya too? Anton makulangkulang so makapataoli na sakey ya inatey?

Say makapanyarin tasi ed Jesus so say dilin inkioli to ed bilay tan saya et katuaan; tan lapu ed sayan katuaan saray evidencias na Balon Sipan so naspot ya analtalo laban ed ataki na saray managbalaw o pilosopo tan laban ed seet na saray makdem ya inpanotek ed inpannap da ed saray bengatlan makapangirokol ed katuaan na sayan masagradon Sulsulat ed loob na 1,900 a taon.

Saray salita na saray apostoles to so anggad sarayan panaon siansian akaalagey a masekseker: "Sayan Jesus pinaoli Dios ed bilay, a sikato so natasan mi ya amin" (*Gawa 2:32*).

Say pananisia ra a sikato so Mesias so nanlapu ed dilin pikakabat da ed sikato legay inkiwala to ed sikara; Say inpaniguro ra ya si Jesus et inmoli ed bilay so walan akaletneg ed dilin experiencias da. Sayan sigsiguro so letnegay inpanpulong da, tan lapu ed saya nanliketan da ni so onarap ed patey nen say itila ra.

Makapakelaw a tua so evangelio nen Cristo, itdan to itayo na matunong a retrato na sakey ya Anak ya walad leksab na Ama to:

Balet diad sikami wala so saksakey ya Dios, say Ama, . . . tan saksakey ya Katawan, si Jesu-Cristo. 1 *Corinto* 8:6.

Ipatnag to so inpanumpal to ed saray ganggan nen Ama to angga ed patey:

Kanian aroen to ak nen Ama lapud ited ko so bilay ko, pian sikatoy alaen ko lamet. Anggapo so mangekal ed siak na bilay ko, ingen sikato so iter ko manlapu ed inkasiak. Walay pakayarik ya mangited na bilay ko, tan walay pakayarik a mangala lamet ed sikato. Sayan ganggan inawat ko ed Amak. *Juan* 10:17-18.

Ipatnag to so inpawil to nanlapud patey a silalaman:

Nengneng yo ray limak tan salik, ta peteg a siak; karapas yoak, et nengneng yo; *Lucas* 24:39.

Pian nagnap so getma na Ama say Anak so nepeg ya ompawil lamet ed pakapanyari:

Balet sano onsabi so Anak na too ed gloria to, tan kaulop to ray amin ya angeles, saman la onyorong ed trono ed gloria to. *Mateo* 25:31.

Sikato'y manuley a singa Ari:

Et ited na Dios a Katawan so trono nen David ya Ama to; . . . et say panarian to andi anga to. *Lucas* 1:32-33.

Amin ya ontombok ed sikato natan so makapibiang ed satan so panarian to, saman la:

Saman la say Ari inkuan to'd saray walad nikawanan a lima to, Galidia, sikayo bendito nen Amak, tawiren yo'y panarian ya inparaan ed sikayo a nanlapu ed inletneg na mundo, *Mateo* 25:34.

Diad bengatlan babasaen nipaakar ed Sta. Biblia kerew kayo labat ed sikami. Sikami so sipaparaan ya mangiter ya andi bayar. Kerew kayo labat ed kinen:

ECCLESIA CHRISTADELPHIAN
Bani, Bayambang, Pangasinan
Philippines

This pamphlet is sponsored by the Australasian Christadelphian Bible Mission:

<http://www.acbm.org.au/>

<http://www.acbm.org.au/region/philippines>